

Adeste fideles, laeti triumphantes, venite, venite in Betlem:  
natum videte Regem angelorum.

**RIT. *Venite adoremus, venite adoremus, venite adoremus Dominum.***

En grege relicto, humiles ad cunas vocati pastores adproperant;  
et nos ovanti gradu festinemus.

**RIT. *Venite adoremus, venite adoremus, venite adoremus Dominum.***

Aeterni parentis splendorem aeternum, velatum sub carne videbimus;  
Deum infantem, pannis involutum.

**RIT. *Venite adoremus, venite adoremus, venite adoremus Dominum.***

Pro nobis egenum et foeno cubantem piis foveamus amplexibus:  
sic nos amantem quis non redamaret?

**RIT. *Venite adoremus, venite adoremus, venite adoremus Dominum.***